



Zonza Chelbeldio ne vara nia

Tla storia dla costruziun dla Tor de Bábel orea la jont costruí na tor por se fá en ennom empara y avei en punt zentral co i tignía adöm. Mo na costruziun – ince fora de mosöra alta – ne ten nia adöm la jont. Y tan ridicul él pa orei se fá en ennom y orei ester conesciüs a vigne cost, desch'i podun aldedancö gonot odei tla televijiun?

La Sacra Scritöra dij ch'i ne desson nia ester aroganc: la jont de Bábel s'á desmoncé de Chelbeldio. Ara minâ ch'ara foss bona da fá döt da sora. Ara ponsâ ch'ara n'ess nia debojügn de Chelbeldio. Ensciö ésera ince empü aldedancö. Magari él porchel tan de envidies y stritaries sön cösc monn? An ne consent nia ai atri, an ô ester plü emportanc y avei deplü.

Gonot é les porsones aldedancö desco la jont a Bábel: sotissora. Ares ne sá nia ci ch'ares dess fá. Ares ne sá nia, ci ch'ares dess creie y ne sá nia sön che ch'ares pó se tralascé. Ares roda ma encer eres ia. Ares jora ben sön la löna, mo ne s'anadá nia che Chelbeldio n'á plü degüna lerch te söa vita y ares na ciafa degün tru co les condüj a El.

1 enformaziuns y termins

Preparaziun al Bato: l'Uniu dles Eres Catoliches dal decanat envieia düc i geniturs co á na picia creatöra da bacé, pers co aspeta, toc y totes ala preparaziun al Bato co ven tignida en **sabeda ai 14 de merz** dales 15:00 ales 17:00 tla Ciasa J.B.Runcher a Badia, prenotaziuns, ☎ 334 3200396.

De mondial de oraziun dles Eres: l'Uniu dles Eres dal Decanat Val Badia envieia les eres al de mondial de oraziun en vendres ai 6 de merz a Oies. Ales 15:00 peia ia na prozesciun da San Linert, da calogna demez, ales 16:00 él sö Oies na santa messa. Les ciantarines y cheres co cianta ienn, é periades da ester belo ales 15:00 a Oies, por emparé ete les ciances. Eniann él gnü arjigné ca la liturgia da les eres dal Simbawe, Africa.

Le Movimont Catolich dai Ei (KMB) envieia ala encuntada d'aisciöda en sabeda, ai 7 de merz, dales 14:15 ales 17:00 tal Zenter Pastoral a Balsan.

Scora de Musiga Val Badia: les iscriziuns ala Scora de Musiga por l'ann de scora 2020/21 ven tutes sö cina ai 31 de merz. I formulars é da ciafé te secretariat dla Scora de Musiga a La Ila o te internet (sot a www.musikschule.it). Enformaziuns al ☎ 0471 847748.

Sorvisc ai Jogn: en vendres ai 6 de merz ales 21:00 röel tal Zenter Cultural Saj.un sö La Ila Markus DOGGi Dorfmann, con so spetacul „Doggi's Beste Stücke“. Chi co á veia da s'la rí é der bel enviés. An ne mess nia s'anunzié. L'entrada é de 10,00 €.

Comun de Mareo: le Comune chir ciamó en secundo famei por 3 - 4 edemes da d'aisciöda por vardé i tiers ete por la Val dai Tamersc. Che co á enteres dess preitambel contaté le Comune o l'assessur Patrick Complojer.

Döt le bun a:	Albina Ploner Bernardi, <i>La Ila</i>	* 01.03.1945
	Berta Kanetscheider Glira, <i>San Ciascian</i>	* 05.03.1937
	Jep Ellecosta, <i>Stifler</i>	* 05.03.1940
	y a düc chi co á santennom y complesc i agn cöst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns cina le **dedemesaledema** sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploan: Signor Klaus Sottsas
E-mail: ploania@gmx.net

Calogna Al Plan: 0474 501006
Radio de Ploania: 93,00 MhZ



N meterman nö

📖 Gen 2, 7–9; 3, 1–7 | Rom 5, 12–19 | Mt 4, 1–11

Dal Vangelo do San Mateo:

Te chel tomp ¹é Gejú gnü condüt dal Spirit tal desert, por gní mené tla tontaziun dal malan. ²Do ch'al â albü jiné caranta dis y caranta nets ál ciafé fan. ³Spo ti él jü pormez le tontadú y ti á dit: Sce t'es le Fi de Dio, spo comana ch'al vegnes pan fora de cöstes peres. ⁴Mo el á respognü: Tla Scritöra vegnel dit: Le chescian ne vir nia ma de pan, mo de vigne parora co ven dala bocia de Dio. ⁵Spo l'á le malan tut con el tla Ciüté Santa y l'á motü sö ensom le temp ⁶y ti á dit: Sce t'es le Fi de Dio, sciürete jö, ciodich'al stá scrit tla Scritöra: Al comana sü angeli de te porté sön söes mans, che to pe ne ciumpedes nia te na pera. ⁷Gejú ti á respognü: Tla Scritöra stál ince: Te ne desses nia meter ala proa le Signur, to Dio. ⁸Endô l'á le malan tut con el y l'á condüt sön na munt der alta; al ti á mostré i regns dal monn te söa gloria ⁹y ti á dit: Döt cösc ôi te dé, sce te te petes ia por tera y m'adoreies. ¹⁰Sön chera ti á Gejú dit: Vátan, sátana! Ciodiche tla Scritöra stál: Ma le Signur, to Dio, desste adoré y el su desste sorví. ¹¹Sön chera l'á le malan lascé, y al é gnü angeli y l'á sorví.

Oraziun dal de

Periun! Dio onipotent, te nes scinches cösta santa Carsema desco tomp de converjiun y de penitonza: láscesse, con la zelebraziun de cösc tomp sant, jí plü sot tla conescionza de Gejú Crist y demostré con na vita de fede la forza de söa redenziun.

Por nosc Signur Gejú Crist, to Fi, co é Dio y vir y regneia con te tl'unité dal Spirit Sant por düc i secui dai secui. – Amen

(Lezionar A)



📖 *Letöres dla Secunda domegna de Carsema:*
Gen 12, 1–4a | 2 Tim 1, 8b–10 | Mt 17, 1–9

Edema liturgica dai 01.03. ai 08.03.2020

DOM 01.	Pröma domegna de Carsema domegna dla dlizia te ciasa	<i>Albin, Davide, Teresa</i>
08:30	gran messa por dōta la ploania	<i>offerta por la ploania</i>
→	funziun con les Staziuns	
→ 19:00	les ciampanes envieia al'oraziun te familia	
	<i>te "Sonntagsblatt" cialfunse na proposta por na zelebraziun te ciasa - sōn plates a pert él ince na verjiun ladina</i>	
Lön 02.	<i>Agnese da Prag, Ines, beat Carlo</i>	
→	de d'oraziun personala y te familia	
Ded 03.	<i>Cunigunda, Tobia, Friedrich</i>	
07:30	s.m. d'aniversar por † Maria Elleccosta ved. Erardi, Longega	
	s.m. por vis y †† de Val	
	s.m. por la pêsc	
Dem 04.	<i>Casimir, Rupert</i>	
→	de d'oraziun personala y te familia	
Jöb 05.	<i>Oliva, Dietmar - de d'oraziun do vocaziuns</i>	
→ 19:00	corona por perié do vocaziuns	→ poscibilitè da se pissié
19:30	s.m. dai scolari dla mesana por † Angelo Elleccosta, La Costa	
	s.m. por †† Ritsch, Tomele da Rara	
	s.m. por vis y †† dla fam. Sopolza-Rolandelli, Valsperch	
Ven 06.	pröm vendres - De mondial d'oraziun dles eres	<i>astinonza dla cern</i>
→ 19:30	signor ploan va a proveder zelebraziun dla Parora de Dio	
Sab 07.	<i>Perpetua y Felizita, Reinhard</i>	
18:00	s.m. prefestia a Al Plan	
19:30	s.m. prefestia por †† Paola y Maria Brandlechner, Gosser/Miscí	
	s.m. por † fredesc Nane, Dolo y Jep Ploner, Plazores/Rü dessot	
	s.m. por les Püres Armes	
DOM 08.	Secunda domegna de Carsema	<i>Jan de Dio, Georg Michael</i>
08:30	gran messa por dōta la ploania	<i>offerta por la ploania</i>
→	funziun con les Staziuns	
10 y 18	s.m. a Al Plan	
ampola:	do intenziun dles families Rigo, Matlogn	
ministronc:	<ul style="list-style-type: none"> • da doman y domegna: Francesco y Daniel • da sera y domegna: Florian y Nadia F. 	
i recordun:	Isidor Ploner	03.03.2012
	Maria Anna Elleccosta ved. Erardi	03.03.2015
	Alfons Pedevilla, Braies	07.03.2013



Trapoles dal malan (Mt 4, 1-1)

I ponsi do

Gejú met man sōa misciun con na batalia particulara contra le malan co le tormentará ince te d'atri momonc de sōa vita. Por la davagné virel 40 dis tal desert, ma con Dio y con sōa Parora. La Carsema se dá la poscibilitè da avei en cōr nō y da sciüré demez les cosses co n'è nia, por emparé a conesce danō la beleza da ester amisc de Gejú.

I preii ensciö

Gejú, le malan te ven do y te porseghiteia entres endō con sōes tontaziuns. Al ne te lascia degūna pêsc y é atlō canche te t'al aspetes le manco. Sperâl mo fosc da la davagné? Bonamonter ben, sce sōa insistenza te met tan ala proa, caro Gejú. T'âs fan y sei y t'ês stanch da odei ma saurun y peres encer te ia, y el te pita dōt y atira: dūc i regns de cōsc monn por en picio segno d'"amizizia". Dái, Gejú, t'es tan sterch! Sce iu foss sté empede te, i ess sogü dé do. Nos dun tan gonot do y fajun ci co va saurí, empede se dé da fá por ci co cunta veramonter tla vita. I sun gonot tan comoc y superfiziai, empede meter en pratica tōa Parora. I ne ierun nia da ester tan stersc desco tō, mo i te periun che te se dái l'orenté da damané almanco to aiüt canche le malan se fej pomez, s'engiana y dij: "Sce t'es fi de Dio... sieste mio amí". Co pón po ma tomé te na te trapola?

Walter Cazzaniga, Parola amica - Il Vangelo della domenica per ragazzi



Unité Pastorale Val Badia – "Aktion Verzicht – Azione io rinuncio"

FOR FUTURE. Por n miú dagní - Ci pói pa iu fá? é le moto d'aziun de Carsema 2020 (Aktion Verzicht/lo rinuncio) sostegnida te Südtirol da ben 65 organizaziuns y associazziuns. La Carsema é n bun temp por ponsé sora sōn nūsc comportamoc, sōn la valūta dles cosses, sōn l'emportanza dai raporc y sōn nostes esageraziuns deache ci ch'i fajun pó ester n contribut de nos dūc por fá miú nosc monn.

L'Unité Pastorale Val Badia envieia vignönn y vignōna da se fá n ponsier emplü dertan la Carsema. Jenn fora da na Parora dal Vangelo dla domegna metunse dant edema por edema na proposta concreta por müde valch tla propria vita y ti dé plü cualité.



Pröma domegna de Carsema

Gejú ti á rospognü al malan: Tla Scritōra él ince scrit: te ne deses nia meter ala proa le Signur, to Dio. - Mateo 4,7

Dōt podunse meter tles mans de Chelbeldio (por fortüna!). Mo sce les cosses ne vá datrai nia desche iu ô ne mo arlontaneii empó nia dal Signur.